

9. Sollt är Partei no de Walen an der Verantwortung sinn, haalt Dir um Projet de Loi 8040 fest?



De Sozialdialog ass e wichtege Faktor vum Lëtzebuerger Erfollegmodell – och an der Fonction publique. Dofir sollten an Zukunft – wann d’Staatskeesen dat erlaben – och korrekt Tarifaccorde fir Staatsbeamten, Employéén an Aarbechter verhandelt ginn. D’DP huet sech dobäi déi lescht Joren als vertrauenswierdege Partner bewisen.

Ënnert dem Lead vum DP-gefëierte Ministère fir den ëffentlechen Déngscht, konnt d’Regierung an de Joren 2021 an 2022 all Kéier en neit, responsabelt Gehälterofkommen mat der Staatsbeamtengewerkschaft CGFP ofschléissen. De leschten Accord, mat enger Lafzäit vun zwee Joer, gesäit fir dëst Joer eng Hausse vu fënnf Prozent fir déi éischt 100 Gehälterpunkte vir. Besonnesch Staatsbeamte mat enger méi niddereger Pai, déi am meeschten ënnert dem Kafkraaftverloscht wéinst der Inflatoun leiden, kommen déi fënnf Prozent zegutt. Vun 2024 u gëtt et eng generell Hausse vum Punktwäert vun 1,95 Prozent.



Jo

déi Lénk

Nieft deene problematesche Punkten enthält de Projet de Loi 8040 och eng Rei Aspekter déi mir positiv gesinn. Mir géifen deemno de Gesetzesprojet op de Leescht huelen an op eng Verännerung vu verschiddeenen Dispositiounen bestoen.



De Projet de loi 8040 baséiert u sech op dem Gehälteraccord vun 2016. D’Zil vum Projet ass d’Eropstufen an d’C1 a C2 Carrière. Dat ass fir eis Piraten een Zil wat mir ënnerstëtzen. Mir Pirate wieren dofir éischter fir eng Nobesserung op dësem Punkt ewéi dass mir elo de Projet ganz kippe wéilten. Hei gëllt et jo och nach den Avis vum Staatsrot ofzewaarden, no deem et jo oft nach muss zu Ännerungen am Gesetz kommen.



D'ADR wëll kloer maachen, datt dëst e Projet vun der Gambia-Regierungskoalitioun ass, un dem si net bedeelegt ass an un dee si a kengem Mooss gebonnen ass. Sollt d'ADR an eng Koalitioun kommen géinge mir all déi Projeten aus där aktueller Legislaturperiod nei evaluéieren an iwwerschaffen. Dozou gehéiert och de Projet 8040. Bis haut huet och just eng Berufskummer zu dem Projet Stellung geholl (Chambre des fonctionnaires et employés publics).



Mir wäerten an deem Fall all Problemer, déi sech kéinte stellen, mat de Sozialpartner diskutéieren.

10. Géif Ar Partei sech engagéiere fir beim Staat an där nächster Legislaturperiode méi Plaze fir Handwierker mat Meeschterprüfung am B1 ze schafen wei bis elo?



Geänwert gëtt an der Fro 9



Jo

déi Lénk

déi Lénk si generell der Meenung, datt manuell Beruffer an eiser Gesellschaft ënnerbewäert sinn an dat gëllt och fir d'fonction publique. Mir sinn dofir, datt Handwierker mat der Meeschterkaart d'office an de B1 kommen.



Wann op Plazen an de nächste 5 Joer méi Handwierker mat Meeschterprüfung beim Staat gebraucht sinn, sollen dës am B1 ausgeschriwwen sinn.



Dat hänkt vun de konkrete Besoinen of. Falls an dësem Beräich zousätzleche Personalbedarf virläit, komme mir deem selbstverständlech no. Fir eis ass et awer och wichtig ze ënnersträichen, datt de Staat net dem private Secteur all déi gutt a qualifizéiert Leit, ewéi z.B. d'Handwierker, einfach soll wech huelen, z.B. doduerch well beim Staat d'Aarbechtsplazen dacks besser bezuelt a méi sécher sinn ewéi am private Secteur. Dowéinst ass d'ADR der Meenung, datt wann en Handwierker an engem Betrib op dem seng Käschten ausgebild gouf an dono bei de Staat geet, dee Betrib muss dofir vum Staat kompenséiert ginn. Déi allgemeng Modalitéite fir eng gerecht Kompensatioun vun deene Betriber sollen tëschent dem Staat an de Vertrieeder vum Handwierk ausgehandelt ginn.



Jo.

11. Sollen d'Handwierker mat Meeschterkaart ëmklasséiert ginn an de B1?



Geänwert gëtt an der Fro 9



Grondsätzlech si mir fir eng Opwärtung vum Handwierk an der Meeschterkaart, sou dass mir eis der Méiglechkeet vun engem Reklassement net verschléissen. Gläichzäiteg si mir der Meenung, dass de Sozialdialog de richtege Kader ass, fir iwwert Froe wéi dës am Fong ze diskutéieren an Decisiounen ze huelen.

déi Lénk

Jo, mir ënnerstëtzen des Demande. D'Handwierksberuffer mussen an eisen Aen opgewäert ginn.



Jo. Eng Meeschterkaart sinn 3 Joer zousätzlech Formatioun a sollen och deementspreechend valoriséiert ginn.



D'Meeschterkaart ass e "critère d'accès" fir un der Prüfung fir an eng B1-Karriär ze kommen, deelhuelen ze kënnen. D'ADR schwätzt sech dofir aus, dass d Meeschterkaart systematesch soll valoriséiert ginn, andeems déi betreffend Persounen nom Modell vun der B1-Karriär solle remuneréiert ginn. Et ass fir d'ADR inakzeptabel, dass staatelech oder kommunal Verwaltungen weiderhi geziilt an den Ausschreibungskrittäre fir eng Plaz eng Meeschterkaart fuerderen, dës Persounen dann awer an enger méi niddereger Karriär, wéi déi vum B1, astellen a remuneréieren. Grad am Hibleck op den Effort, fir méi Handwierker zu Lëtzebuerg auszebilden, ass et e falscht Signal an doriwwer eraus och ongerecht, Persounen mat Meeschterkaart net ugemossent ze remuneréieren, andeems si an enger méi niddereger Karriär agestallt ginn.



Mir wäerten dës Fro am Dialog mat de Sozialpartner ofklären.

12. Ass Är Partei der Meenung, dass Handwierker weider ënnert dem Statut vum Fonctionnaire beim Staat agestallt ginn?



Geänwert gëtt an der Fro 9



Jo

dél Lénk

Jo, de Staat sollt d'Handwierker am Statut vum Fonctionnaire astellen.



D'Piraten hu keng spezifesch Positioun zu den Handwierker déi als Fonctionnairen agestallt ginn. Generell soe mir, dass beim Astelle vu Fonctionnairen Folgendes ze betruechten ass: Wat de souveräne Funktiounen vum Staat ugeet, ass de Prinzip, dass dës Positiounen fir d'Staatsbeamten mussen reservéiert sinn, well de Statut vum Fonctionnaire Stabilitéit a Schutz

géint arbiträr Decisioune garantéiert. Trotzdeem muss een am Kapp behalen, datt mir an enger Situatioun vun allgemengem Aarbechtsmangel sinn a vill Verwaltungen dovunner Zeie sinn. Et ass also néideg fir de gudden Fonctionnement vum Staat prioritär ze stellen an dofir, wann néideg, vun dësem Prinzip ofzeschwächen.



Jo. D'ADR ass net der Meenung, datt den öffentlich-rechtliche Statut soll progressiv ëmmer méi ausgehelegt ginn.



Jo.

13. Ass Ar Partei oppe fir e regelméissegem Dialog iwwert d'Zukunft vum Handwerk mat der AAT an hirer Daachorganisatioun der CGFP?



Geänwert gëtt an der Fro 9



Jo

déi Lénk

déi Lénk sinn ëmmer oppen fir den Dialog a besonnesch fir den Dialog mat de Gewerkschaften.



Jo, d'Piraten hunn ëmmer een oppent Ouer fir d'Gewerkschaften an eis ass et generell bei all Thema wichteg, d'Meenunge vun de Leit um Terrain ze kennen.

D'CGFP gouf jo och duerch d'Sozialwale als klere Vertrieder vun den Aarbechter am
ëffentleche Secteur gewielt a spillt eng zentral Roll fir ee resilienten a gutt funktionéierend
Staatsapparat ze garantéieren.



Jo, selbstverständlech.



Jo. De Sozialdialog ass immens wichteg fir d'CSV a muss intensivéiert ginn.